

LINDÅS KOMMUNE
Kvernhusmyrane 41
5914 ISDALSTØDato: 11.12.2019
Vår ref.: 2018/11194-27
Saksbehandlar: sigwols
Dykkar ref.:

Kulturminnefagleg fråsegn - Løyve til inngrep i automatisk freda kulturminne, jf. kulturminnelova § 8 fjerde ledd - E39 Vikane - Eikangervåg - Lindås kommune

Hordaland fylkeskommune har vurdert saka som regional sektorstyresmakt innan kulturminnevern. Vi visar til tidlegare korrespondanse i saka og vårt brev datert 06.12.2019.

Løyve til inngrep

I brev datert 09.12.2019 har Riksantikvaren gjeve løyve til inngrep i automatisk freda kulturminne, jf. kulturminnelova § 8 fjerde ledd, med vilkår om arkeologisk utgraving. I det følgjande vert dei viktigaste punkta i Riksantikvaren sitt brev gjennomgått. Brevet er vedlagt.

Innanfor reguleringsområdet er det registrert ein steinalderlokalitet som er automatisk freda i medhald av kulturminnelova § 4 første ledd.

I samsvar med kulturminnelova § 8 fjerde ledd, skal det ved handsaming av reguleringsplanar takast stilling til om ein kan gje løyve til inngrep i automatisk freda kulturminne som blir råka av planen. Riksantikvaren er rette styresmakt til å fatte avgjersle i slike saker, jf. forskrift om fagleg ansvarsfordeling mv. etter kulturminnelova §1 nr. 1.

Riksantikvaren gjev samtykke til at reguleringsplanen for E39 Vikane – Eikangervåg kan godkjennast under føresetnad av at det vert gjennomført ei arkeologisk utgraving av det råka kulturminnet før tiltak i tråd med reguleringsplanen vert realisert, jf. vedlagt kart datert 09.12.2019. I samsvar med kulturminnelova § 10, skal den arkeologiske granskinga bli dekt av tiltakshavar.

Vedtak om omfang av den arkeologiske granskinga, med endelege kostnader og avgrensing av utgravingsområdet, kan først skje etter at reguleringsplanen er endeleg vedteken. Vi gjer merksame på at arkeologiske utgravingar normalt berre lar seg gjennomføre i sommarhalvåret, og at tiltakshavar må ta omsyn til dette i vidare planlegging.

Tiltakshavar må varsle Hordaland fylkeskommune i god tid før han ynskjer å realisere tiltak etter reguleringsplanen. Riksantikvaren vil deretter fatte vedtak om omfang av den arkeologiske granskinga. Dette vedtaket kan klagast på i medhald av forvaltingslova §§ 28 og 29.

I følge framlegget til budsjett frå Universitetsmuseet i Bergen, er ei utgraving av gjeldande kulturminne, steinalderlokalitet id. 25953 rekna å koste inntil kr. 770 000 (2019-kroner og satsar). Riksantikvaren vil sjå nærare på framlegget til budsjett og arbeidsomfang før vedtak etter kulturminnelova § 10 blir fatta.

Kulturminnet, id. 25953, skal merkast i plankartet som *område for føresegn* med signatur RpBg (*grense for føresegn i reguleringsplan*) og har i vedlagt plankart nr #2.

Følgjande tekst skal inn i fellesføresegnene i reguleringsplanen:

«Før iverksetjing av rigg- og anleggsarbeid i gjeldande delområde skal det gjennomførast ei arkeologisk utgraving av det automatisk freda kulturminnet id 25953 som er merka som område for føresegn #2 i plankartet.

Tiltakshavar skal ta kontakt med Hordaland fylkeskommune i god tid før tiltaket skal gjennomførast, slik at omfanget av den arkeologiske granskinga kan bli fastsett.»

Den arkeologiske granskinga skal dekkast av tiltakshavar, jf. kulturminnelova § 10.

Dispensasjonen frå den automatiske fredinga gjennom planvedtaket byggjer på at teksten ovanfor vert teken inn i føresegnene til reguleringsplanen.

Dersom kommunen gir melding om at teksten *ikkje* vil bli teken inn i føresegnene til reguleringsplanen, og fylkeskommunen likevel ikkje vil fremje motsegn til planen, må de utan opphøyr varsle Riksantikvaren om dette. Riksantikvaren vil i så fall normalt fremje motsegn til planen.

Nyare tids kulturminne

Vi viser til vårt brev datert 06.12.2019. om nyare tids kulturminne (under kulturminne og kulturmiljø).

David J. Aasen Sandved
kst. fylkeskonservator

Sigrun Wølsted
spesialrådgjevar

Brevet er godkjent elektronisk og har derfor inga underskrift.

Kopi til:
STATENS VEGVESEN REGION VEST BERGEN
KONTORSTED

Vedlegg

- 1 Framlegg til reguleringsplan - E39 Vikane - Eikangervåg - Løyve til inngrep i automatisk freda kulturminne, jf. kulturminnelova § 8 fjerde ledd - Lindås kommune
- 2 Kart, E39 Vikane- Eikangervåg.PDF
- 3 DP Vikane - Eikangervåg Plankart Del 1 250719 (632740).PDF